

AURTENGO LEHEN SEIHILEKOAN 41 LANGILE HIL DIRA GIPUZKOA, BIZKAIA ETA ARABAN

Lan istripu kopuruak nabarmen egin du gora berriz ere

Osalan laneko segurtasun eta osasunerako erakundeak azalduko emaitzen arabera, aurtengo lehen urte erdian iazko epe berean baino lan istripu gehiago jazo dira EAEn. Iaz 32 lagun hil ziren lanean, eta aurtengo dagoeneko 41era heldu da hildakoen kopurua.

K. Eiguren / Gasteiz

AURTENGO lehenengo sei hilabetetan 21.325 lan istripu gertatu dira guztira Euskal Autonomia Erkidegoan. Haietako gehienak (21.029) ez dira larriak izan. Larriak 255 izan dira, eta 41 kasutan istripuaren ondorioa langilearen heriotza izan da. Hala dio Laneko Segurtasun eta Osasunerako Euskal Erakundeak (Osalan), argitaratu berri duen lehenengo aldizkarian.

Iazko lan istripuen kopuruekin alderatuz, aurtengoak gora egin duela ikusten da. 1997. urteko lehenengo sei hilabetetan, guztira, 19.718 istripu gertatu ziren. Haietatik 19.374 ez ziren larriak izan, 312 larriak izan ziren eta 32 langilek bizia galdu zuen beharrez ari zirela.

Eraikuntza jasaten da

egoera larriena • Lan sektoreei begiratuz, oraindik ere eraikuntza sektorean gertatzen da istripu kopuru handiena, eta industria sektorean bigarrena. Lan istripu bat izateko arriskua lau bider handiagoa da eraikuntza sektorean zerbitzu sektorean baino, eta industrian bi bider eta erdi handiagoa.

Herrialdez herrialdeko kopuruak konparatuz, elkarren artean gero eta ezberdintasun txikiagoak daudela ikusten da Osalanek argitaratutako estatistiketan. Horrela, 1997. urtean 33,15ko tasa izan zen Araban, 35,09koa Gipuzkoan eta 37,65koa Bizkaian. Aurtengo 35,49koa gertatu da Araban, 36,57koa Gipuzkoan eta 37,75koa Bizkaian. Nahiz eta Araba izan lan istripuen kopuru baxuena duen herrialdea, bertan igo da gehien kopuru hori. Gipuzkoako egoerak berdintsu jarraitzen du eta Bizkaian hobekuntza nabaria izan da, nahiz eta lan istripuen kopuru larrienak agertzen dituen herrialdea izan.

Juan Carlos Coto Osalan erakundearen zuzendariak atzo Gasteizen egin aurreko emaitzen esan zuenez, EAEn gertatzen diren lan istripu kopuruak «onartu beharko genukeena baino handiagoa da oraindik». Hala eta guztiz ere, Espainiako kopuruen antzekoak direla azaldu zuen.

Prebentziorako, ikastaroak • Lan istripuak saihesteko, Osalanek prebentzio lan ugari egiten duela adierazi zuen Coto. Laneko segurtasunerako erakundeak prebentzio ikastaroak eskaintzen ditu, Eusko Jaurlaritzako Lan sailburuorde Jose Ramon Bengoetxeak atzoko agerraldian azaldu zuenez.



Juan Carlos Coto, Osalaneko zuzendaria, eta Jose Ramon Bengoetxea, Lan eta Gizarte Segurantzaren sailburuordea.

OLALDE

Horrekin batera, Bengoetxearen esanetan, Osalanek diruz laguntzen ditu enpresak prebentzio planak egin ditzaten. Ekin-tza horien artean sartzen da aldizkari berriaren argitaratzea. Atzo aurkeztu zuten, hain zuzen, Osalan izeneko aldizkariaren lehen zenbakia. Hamar mila ale atera dituzte kalera eta prebentzio arloko profesionali dago zuzendua.

Nafarroan, egoera bereziki larria da. Aurtengo 25 langile hil dira lanean. Gauzak horrela, eta egoerari aurre egiteko asmoz, ELA, LAB, ESK, EILAS eta CGTK lan arriskuen eta istripuen prebentziorako egitasmo bat aurkeztu dute Parlamentuan. Ikusteko dago oraindik legebiltzarkideek zer harrera egingo dioten egitarroari.



Beste ezer baino lehen, agintariek Nafarroarako lan osasunerako lege propio bat egin dezaten nahi dute sindikatuak, Sindikatuak Parlamentura helarazitako

proposamenaren ere eskari berezia egin dute osasun sare publikoak eskura dituen bitartekoak erabil ditzan lan osasunaren prebentziorako. X

laburrean

■ Interneten bidez zabalduko duten erreminta katalogo handiena aurkeztu dute Ferroforman

ATZO itxi zuten Ferroforma burdindegia Bilbon. Aurreko urteetan baino askoz arrakastatsuagoa izan da aurtengo feria, eta inoiz baino bisitari gehiago izan ditu. Horrezaz gainera, alorreko produktuei buruzko hainbat berrikuntza ere aurkeztu dute ferian, hala nola Interneten zabalduko den erreminta katalogorik handiena. Legazpiko (Gipuzkoa) Bellota enpresak eskatuta egin dute internet bidezko katalogo hori. Katalogoak 4.000 lanabesen ezaugarriak agertzen ditu bost hizkuntzatan. «Bilduma horrekin, enpresei, bezeroei eta banatzaileei zerbitzu berri eta eragingarri bat eskaini nahi izan diegu», adierazi dute Bellotako buruek berrikuntza aurkeztu dutenean. X

■ Bilboko portuko lanetarako mila milioiko mailegua eman du BBV

BBV banketxeak mila milioiko mailegua eman dio Bilboko Portuari berrikuntza eta zabaltze lanak aurrera eramantitzan. Atzo bertan sinatu zuten maileguaren akordioa Jose Angel Corres Bilboko Portuko presidentek eta Jose Ramon Rey BBVko ordezkariek. Aurreko astean, BBV bono jaulkipen bat egiteko akordioa izenpetu zuen, gisa horretan Bilboko Metroko bigarren zatia finantzatzeko. X

■ Embraer abioia egiteko ehungarren hegoa egin du Gamesak

ARABAKO Gamesa aeronautika eta energia taldeak EMB-145 abioientzako hegoak egiten ditu Brasilgo Embraer konpainiarentzat, eta atzo ehungarren hegoa atera zuten Gasteizko Miñano parke teknologikoko lantegitik. X

ESKELAK



**Urko
Bedia
Perez**

*Une latz bonetan,
bat egiten dugu
familiarren saminarekin.*

**DEBA GARAICO
LANBIDE
HASTAPENA**

Arrasate, 1998ko urriaren 1a



**Imanol
Rufo
Astibia**

*Zeruan ageri diren
izar guztietan
zurea dugu
polit eta ederrena
maiz begiratuiko diogu berari
agur Imanol maitia.*

**ORERETA IKASTOLAKO IKASLE,
IRAKASLE ETA GURASO
GUZTION PARTETIK.**

Oretea/Erreterian, 1998ko urriaren 1ean